

亥21

3-542

黃帝素問靈樞集註

二



黃帝素問靈樞集註卷之八

業七

黃帝素問靈樞集註卷之九

業八

黃帝素問靈樞集註卷十之一

業九

黃帝素問靈樞集註卷十之二

業十

黃帝素問靈樞集註卷十四之十五

業十一

黃帝素問靈樞經卷之八

黃帝素問靈樞經卷之八

上海涵芬樓影印正統道藏本

黃帝素問靈樞經卷之八

黃帝素問靈樞經卷之八



黃帝素問靈樞集註卷之八

業七

骨度第十四

黃帝問于伯高曰脉度言經脉之長短何以立之伯高曰先度其骨節之大小廣狹長短而脉度定矣黃帝曰願問衆人之度人長七尺五寸者其骨節之大小長短各幾何伯高曰頭之大骨圍二尺六寸胸圍四尺五寸腰圍四尺二寸髮所覆者顙至項尺二寸髮以下至頤長一尺君子終折結喉以下至缺盆中長四寸缺盆以下至髑髏長九寸過則肺



大不滿則肺小鶻髀以下至天樞長八寸過則胃大不及則胃小天樞以下至橫骨長六寸半過則迴腸廣長不滿則狹短橫骨長六寸半橫骨上廉以下至內輔之上廉長一尺八寸內輔之上廉以下至下廉長三寸半內

業七

輔下廉下至內踝長一尺三寸內踝以下至地長三寸膝腘以下至跗屬長一尺六寸跗屬以下至地長三寸故骨圍大則大過小則不及角以下至柱骨長一尺行腋中不見者長四寸腋以下至季脇長一尺二寸季脇以

下至髀樞長六寸髀樞以下至膝中長一尺九寸膝以下至外踝長一尺六寸外踝以下至京骨長三寸京骨以下至地長一寸耳後當完骨者廣九寸耳前當耳門者廣一尺三寸兩顴之間相去七寸兩乳之間廣九寸半兩髀之間廣六寸半足長一尺二寸廣四寸半肩至肘長一尺七寸肘至腕長一尺二寸半腕至中指本節長四寸本節至其末長四寸半項髮以下至背骨長二寸半脊骨以下至尾骶二十一節長三尺上節長一寸四分

分之一竒分在下故上七節至于脅骨九寸
八分分之七此衆人骨之度也所以立經脉
之長短也是故視其經脉之在于身也其見
浮而堅其見明而大者多血細而沉者多氣
也

髀

上許喝切又許髀切
步米切

五十營第十五

黃帝曰余願聞五十營奈何岐伯答曰天周
二十八宿宿三十六分人氣行一周千八分
日行二十八宿人經脉上下左右前後二十

八脉周身十六丈二尺以應二十八宿漏水
下百刻以分晝夜故人一呼脉再動氣行三
寸一吸脉亦再動氣行三寸呼吸定息氣行
六寸十息氣行六尺日行二分二百七十息
氣行十六丈二尺氣行交通于中一周于身
下水二刻日行二十五分五百四十息氣行
再周于身下水四刻日行四十分二千七百
息氣行十周于身下水二十刻日行五宿二
十分一萬三千五百息氣行五十營于身水
下百刻日行二十八宿漏水皆盡脉終矣所

謂交通者并行一數也故五十營備得盡天地之壽矣凡行八百一十丈也

營氣第十六

黃帝曰營氣之道內穀爲寶穀入于胃乃傳之肺流溢于中布散于外精專者行于經隧

卷七

三

常營無已終而復始是謂天地之紀故氣從太陰出注手陽明上行注足陽明下行至跗上注大指間與太陰合上行抵髀從脾注心中循手少陰出腋下臂注小指合手太陽上行乘腋出頰內注目內眥上顛下項合足太

陽循脊下尻下行注小指之端循足心注足少陰上行注腎從腎注心外散于胸中循心主脉出腋下臂出兩筋之間入掌中出中指之端還注小指次指之端合手少陽上行注臆中散于三焦從三焦注膽出脇注足少陽下行至跗上復從跗注大指間合足厥陰上行至肝從肝上注肺上循喉嚨入頰頰之竅究于畜門其支別者上額循顛下項中循脊入骶是督脉也絡陰器上過毛中入臍中上循腹裏入缺盆下注肺中復出太陰此營氣

之所行也逆順之常也

濁者

一本作薄滑利也

入骭

音底

脉度第十七

黃帝曰願聞脉度岐伯答曰手之六陽從手至頭長五尺五六三丈手之六陰從手至胸中三尺五寸三六一丈八尺五六三尺合二丈一尺足之六陽從足上至頭八尺六八四丈八尺足之六陰從足至胸中六尺五寸六六三丈六尺五六三尺合三丈九尺蹻脉從足至目七尺五寸二七一丈四尺二五一尺



合一丈五尺督脉任脉各四尺五寸二四八尺二五一尺合九尺凡都合一十六丈二尺此氣之大經隧也經脉爲裏支而橫者爲絡絡之別者爲孫盛而血者疾誅之盛者寫之虛者飲藥以補之五藏常內閱于上七竅也

葉七

四

故肺氣通於鼻肺和則鼻能知臭香矣心氣通于舌心和則舌能知五味矣肝氣通于目肝和則目能辯五色矣脾氣通于口脾和則口能知五穀矣腎氣通于耳腎和則耳能聞五音矣五藏不和則七竅不通六府不和則

留爲癰故邪在府則陽脉不和陽脉不利則氣留之氣留之則陽氣盛矣陽氣大盛則陰不利陰脉不利則血留之血留之則陰氣盛矣陰氣大盛則陽氣不能榮也故曰關陽氣大盛則陰氣弗能榮也故曰格陰陽俱盛不得相榮故曰關格關格者不得盡期而死也黃帝曰躄脉安起安止何氣榮水岐伯答曰躄脉者少陰之別起于然骨之後上內踝之上直上循陰股入陰上循胸裏入缺盆上出人迎之前入頰屬目內眥合于太陽陽躄而

上行氣并相還則爲濡目氣不榮則目不合
黃帝曰氣獨行五藏不榮六府何也岐伯答
曰氣之不得無行也如水之流如日月之行
不休故陰脉榮其藏陽脉榮其府如環之無
端莫知其紀終而復始其流溢之氣內溉藏
府外濡腠理黃帝曰蹻脉有陰陽何脉當其
數岐伯答曰男子數其陽女子數其陰當數
者爲經其不當數者爲絡也

蹻脉

渠略切經隧音
又音喬

黃帝問于岐伯曰人焉受氣陰陽焉會何氣
爲營何氣爲衛營安從生衛于焉會老壯不
同氣陰陽異位願聞其會岐伯答曰人受氣
于穀穀入于胃以傳與肺五藏六府皆以受
氣其清者爲營濁者爲衛營在脉中衛在脉
外營周不休五十而復大會陰陽相貫如環
無端衛氣行于陰二十五度行于陽二十五
度分爲晝夜故氣至陽而起至陰而止故曰
日中而陽隴爲重陽夜半而陰隴爲重陰故
太陰主內太陽主外各行二十五度分爲晝

夜夜半爲陰隲夜半後而爲陰衰平旦陰盡而陽受氣矣日中而陽隲日西而陽衰日入陽盡而陰受氣矣夜半而大會萬民皆臥命曰合陰平旦陰盡而陽受氣如是無已與天地同紀黃帝曰老人之不夜瞑者何氣使然少壯之人不晝瞑者何氣使然岐伯答曰壯者之氣血盛其肌肉滑氣道通營衛之行不失其常故晝精而夜瞑老者之氣血衰其肌肉枯氣道澁五藏之氣相搏其營氣衰少而衛氣內伐故晝不精夜不瞑黃帝曰願聞營



衛之所行皆何道從來岐伯答曰營出于中
焦衛出于下焦黃帝曰願聞三焦之所出岐
伯答曰上焦出于胃上口並咽以上貫膈而
布胸中走腋循太陰之分而行還至陽明上
至舌下足陽明常與營俱行于陽二十五度
行于陰亦二十五度一周也故五十度而復
大會于手太陰矣黃帝曰人有熱飲食下胃
其氣未定汗則出或出于面或出于背或出
于身半其不循衛氣之道而出何也岐伯曰
此外傷于風內開腠理毛蒸理泄衛氣走之

葉七

六